

諸子百家叢書

孔子集語

孫星衍輯

文中子中說

王通著
阮逸注

上海古籍出版社

出版說明

先秦兩漢魏晉的「諸子百家」之書，是中華傳統學術思想的一個源頭，各家所表達的思想理論，對後世影響極為深遠。其中不少著作，又被公認是優秀的散文作品，千百年傳頌不絕。現為滿足廣大讀者的需要，特選二十種，即：一、《老子》（魏王弼注、唐陸德明音義）；二、《莊子》（晉郭象注、唐陸德明音義）；三、《管子》（唐房玄齡注、明劉績增注）；四、《列子》（晉張湛注、唐殷敬順釋文）；五、《墨子》（清畢沅校）；六、《荀子》（唐楊倞注、清盧文弨、謝墉校）；七、《尸子》（清汪繼培輯）；八、《孫子》（宋吉天保集十家注、鄭友賢撰十家注遺說、清孫星衍等校）；九、《孔子集語》（清孫星衍纂輯）；十、《晏子春秋》（清孫星衍校並撰音義、黃以周撰校勘記）；十一、《呂氏春秋》（漢高誘注、清畢沅校）；十二、《賈誼新書》（清盧文弨校）；十三、《春秋繁露》（清趙曦明等據盧文弨校本等重校）；十四、《揚子法言》（晉李軌注、宋闕名音義）；十五、《文子續義》（元杜道堅續義）；十六、《商君書》（清嚴萬里校）；十七、《韓非子》（宋闕名注、清顧廣圻識誤）；十八、《淮南子》（漢高誘注、清莊述古校）；十九、《文中子中說》（宋王逸注）；二十、《山海經》（晉郭璞傳、清畢

二
沅校），以校刻精善的浙江書局本為底本，正文加上斷句，分冊影印出版，以便選讀。

上海古籍出版社 一九八八年十二月

孔子集語

目 録

孫氏孔子集語序(嚴可均).....	一	主德.....	四三
孔子集語表(孫星衍).....	一	第七卷.....	
孔子集語篇目.....	二	臣術.....	五八
第一卷.....		第八卷.....	
勸學.....	三	交道.....	六四
第二卷.....		第九卷.....	
孝本.....	七	論人.....	六六
第三卷.....		第十卷.....	
五性.....	一三	論政.....	八四
第四卷.....		第十一卷.....	
六藝上.....	一八	博物.....	一〇二
第五卷.....		第十二卷.....	
六藝下.....	三一	事譜上.....	一〇五
第六卷.....		第十三卷.....	

事譜下……………一五

第十四卷

雜事……………二八

第十五卷

遺識……………三六

第十六卷

寓言上……………四二

第十七卷

寓言下……………五五

孫氏孔子集語序

孔子集語者。陽湖孫觀察星衍字伯淵所撰也。孔子脩百王之道。以詔來者。六經而外。傳記百家。所載微言大義。足以羽翼經業。導揚儒風者。往往而有。其纂輯成書者。梁武帝孔子正言二十卷。王勃次論語十卷。皆不存。見存楊簡先聖大訓十卷。薛瑄孔子集語二卷。潘士達論語外篇二十卷。而薛書最顯。不免罣漏。近人曹廷棟又爲孔子逸語十卷。援稽失實。不足論。嘉慶辛未歲。觀察引疾歸田。惜儒書之闕失。乃博蒐羣籍。綜覈異同。增多薛書六七倍。而仍名之爲孔子集語者。識所緣起也。其纂輯大例。易十翼。禮小戴記。春秋左氏傳。孝經。論語。孟子。舉世誦習。不載家語。孔叢子。有成書專行。不載。史記孔子世家。弟子傳。易說。亦不載。其餘羣經傳注。祕緯諸史諸子。以及唐宋人類書。鉅篇隻句。畢登。無所去取。皆明言出處篇卷。或疑文脫句。酌加按語。或一事而彼此互見。且五六見。得失短長。可互證得之。逾年初稿成。又二年。屬其友人烏程嚴可均。略仿說苑體裁。理而董之。覆檢羣書。是正譌字。更移次第。增益闕遺。爲十四篇。

勸學第一。孝本第二。五性第三。六藝第四。主德第五。臣術第六。交道第七。論人第八。論政第九。博物第十。事譜第十一。雜事第十二。遺議第十三。寓言第十四。篇各爲卷。六藝事譜寓言卷大。分爲上下。以十四篇爲十七卷。勸學等篇。與正經相表裏。遺議不醇。寓言蓋依託。乃彫版於金陵。公諸後世。而嚴可均爲之序。

孔子集語表

山東督糧道臣孫星衍稽首頓首

上言。臣所撰孔子集語十四篇成。謹奉

表上

進者。伏以黃顓授道。丹書備北面之儀。河洛浮圖。元

尾有東巡之典。蓋折衷侯諸至聖。而稽古所以同

天欽惟我

皇上雅詠宗經。臨雍尊聖。如天蕩蕩。堯本難名。猶日孜孜。禹思聞善。銘

堯之所必採。書調況有明徵。昔在孔子。微言大義。史氏有將絕之虞。性道文章。及門有難聞之歎。故易翼麟書而外。緯侯載其遺言。孝經論語之餘。子史傳其佚說。吾無隱爾。絕賢哲之贊詞。天何言哉。託素王之眇論。而籍亡七國。書散靡秦。畏鎖仰之高堅。孰網羅其放失。臣拜

恩。糖斧承乏奎衷。慕禮器而升堂。歷歲時以載筆。識大識小。一話一言。靡不綜其異同。徵其典據。撞鐘以廷。冀有餘音。集腋成裘。多存粹白。其六經所載。謹避雷同。三家傳講。悉加雋正。或有寓言。依託小說。流傳恐魚目之混珠。窺豹斑而撥霧。醇疵不雜。仿晏嬰內外之編。事類相從。比說苑區分之目。視宋臣薛據之帙。采獲加多。勣曹氏廷棟之書。增刪期當。昔方言屬草。有子駿之旁求。封禪留書。因所忠而奏上。職容專達。病久罷閒。附闕里之上公。述聖門之祖德。恭呈

乙覽。或爲

座側之資。廣布儒林。聊比壁中之簡。臣無任屏營惶恐。

瞻

天望

闕。明臨歡忭。謹因衍聖公。臣廣銘。奉

表恭

進以

聞。

孔子集語篇目

卷一勸學第一

卷二孝本第二

卷三五性第三

卷四六藝第四上

卷五六藝第四下

卷六主德第五

卷七臣術第六

卷八交道第七

卷九論人第八

卷十論政第九

卷十一博物第十

卷十二事譜第十一上

卷十三事譜第十一下

卷十四雜事第十二

卷十五遺識第十三

卷十六寓言第十四上

卷十七寓言第十四下

星衍自嘉慶辛未歲九月歸田。臥病多暇。輒理舊業。因屬族弟星海。姪壻虞。檢閱子史。採錄宣聖遺言。比之宋人薛據近人曹廷棟所輯。計且三倍。乃取劉向編列說苑新序之例。各爲篇目。以類相從。又以莊列小說。近于依託之詞。別爲雜事遺識。寓言。附于末卷。質之吾友顧文學廣圻。嚴孝廉可均。頗有增改。閱六年而始成書。將寄曲阜孔上公。度俗侯時。三

御故擬表冠諸簡端。嘗見宋明人格言。世多輯錄刊刻。

者先聖遺訓。豈可任其放失。所列篇目。皆儒者立身行政之要義。不敢雜以墨家釋氏之旨也。願與學者勉之。孫星衍謹記。

孔子集語卷一

平津館原本

山東督糧道臣孫星衍撰

勸學一

尚書大傳略說子曰。君子不可以不學。見人不可以不飭。不飭無貌。無貌不敬。不敬無禮。無禮不立。夫遠而有光者。飭也。近而逾明者。學也。譬之如圩塢。水潦集焉。膏肓生焉。從上觀之。誰知其非源水也。

大戴禮勸學孔子曰。野哉。野字說苑作鯉形。相近疑當作鯉。君子不可以不學。見人不可以不飭。不飭無貌。無貌不敬。不

敬無禮無禮不立夫遠而有光者飾也近而逾明者學也譬之如洿邪水潦瀾焉荒蒲生焉從上觀之誰知其非源泉也

說苑建本孔子曰鯉君子不可以不學見人不可以不飾不飾則無根無根則失理失理則不忠不忠則失禮失禮則不立夫遠而有光者飾也近而逾明者學也譬之如汚池水潦注焉菅蒲生之從上觀之知其非源也

韓詩外傳一孔子曰君子有三憂弗知可無憂與知而不學可無憂與學而不行可無憂與

韓詩外傳六子曰不學而好思雖知不廣矣學而慢其身雖學不精矣不以誠立雖立不久矣誠未著而好言雖言不信矣美材也而不聞君子之道隱小物以害大物者災必及身矣

韓詩外傳六孔子曰可與言終日而不倦者其惟學乎其身體不足觀也勇力不足憚也族姓不足稱也宗祖不足道也而可以聞於四方而昭於諸侯者其惟學乎說苑建本孔子曰可以與人終日而不倦者其惟學

乎其身一作容體不足觀也其勇力不足憚也其先祖
不足稱也其族姓不足道也然而可以開四方而略
於諸侯者其惟學乎

韓詩外傳八孔子燕居子貢攝齊而前曰弟子事夫子有年矣才竭而智罷振於學問不敢復進請一休焉孔子曰賜也欲焉休乎曰賜欲休於事君孔子曰詩云夙夜匪懈以事一人爲之若此其不易也若之何其休也曰賜欲休於事父孔子曰詩云孝子不匱永錫爾類爲之若此其不易也如之何其休也曰賜欲休於事兄弟孔子曰詩云妻子好合如鼓瑟琴兄弟既翕和樂且耽爲之若此其不易也如之何其休也曰賜欲休於畊田孔子曰詩云晝爾于茅宵爾索綯亟其乘屋其始播百穀爲之若此其不易也若之何其休也子貢曰君子亦有休乎孔子曰闔棺兮乃止播兮

本多作耳今從揚本

之易遷兮此之謂君子所休也

荀子大略子貢問於孔子曰賜倦於學矣願息事君
孔子曰詩云溫恭朝夕執事有恪事君難事君屬可
息哉然則賜願息事親孔子曰詩云孝子不匱永錫

爾類事親難事親焉可息哉然則賜願息於妻子孔子曰詩云刑于寡妻至于兄弟以御于家邦妻子難妻子焉可息哉然則賜願息於朋友孔子曰詩云朋友攸攝攝以威儀朋友難朋友焉可息哉然則賜願息耕孔子曰詩云晝爾于茅宵爾索綯亟其乘屋其始播百穀耕難耕焉可息哉然則賜無息者乎孔子曰望其墾阜如也曠如也甯如也此則知所息矣子貢曰大哉死乎君子息焉小人体焉

列子天瑞子貢倦於學告仲尼曰願有所息仲尼曰生無所息子貢曰然則賜息無所乎仲尼曰有焉耳望其墾阜如也幸如也墳如也甯如也則知所息矣子貢曰大哉死乎君子息焉小人伏焉仲尼曰賜汝知之矣人苟知生之樂未知生之苦知老之德未知老之佚知死之惡未知死之息也

大戴禮勸學孔子曰吾嘗終日思矣不如須臾之所學吾嘗跂而望之不如升高而博見也升高而招非譬之長也而見者遠順風而呼非聲加疾也而聞者著假車馬者非利足也而致千里假舟楫者非能水也而絕江

海君子之性非異也而善假於物也

荀子有坐孔子曰吾有恥也吾有鄙也吾有殆也幼不能彊學老無以教之吾恥之去其故鄉事君而遠卒遇故人曾無舊言吾鄙之與小人處者吾殆之也

荀子有坐孔子曰如埴而進吾與之如丘而止吾已矣今學曾未如脫簪則具然欲爲人師

荀子有坐子貢觀於魯廟之北堂出而問於孔子曰辯者賜觀於太廟之北堂吾亦未輟還復瞻被九蓋皆繼彼有說邪匠過絕邪孔子曰太廟之堂亦嘗有說實致良工因麗節文非無良材也蓋曰貴文也

荀子子道子路問於孔子曰君子亦有憂乎孔子曰君子其未得也則樂其意既已得之又樂其治是以有終身之樂無一日之憂小人其未得也則憂不得既已得之又恐失之是以有終身之憂無一日之樂也

說苑雜言子路問孔子曰君子亦有憂乎孔子曰無也君子之修其行未得則樂其意既已得又樂其知是以有終身之樂無一日之憂小人則不然其未之得則憂不得既已得之又恐失之是以有終日之憂

無一日之樂

荀子法行孔子曰君子有三思而不可不思也少而不學長無能也老而不教死無思也有而不施窮無與也是故君子少思長則學老思死則教有思窮則施

御覽六百七引慎子孔子曰臣少而好學晚而聞道此以博矣

按薛康孔子集語馬驥繹史八十六
曹廷棟孔子逸語皆引作申子說

羣書治要尸子勸學夫子曰車唯恐地之不堅也舟唯恐水之不濶也有其器則以人之難爲易夫道以人之難爲易也

羣書治要尸子處道孔子曰欲知則問欲能則學欲給則豫欲善則肆國亂則擇其邪人去之則國治矣胸中亂則擇其邪欲而去則德正矣

意林一引尸子孔子云誦詩讀書與古人居讀書誦詩與古人謀

莊子雜篇讀王孔子謂顏回曰回來家食居卑胡不仕乎顏回對曰不願仕回有郭外之田五十畝足以給飭粥郭內之田十畝足以爲絲麻鼓琴足以自娛所學夫子之道者足以自樂也回不願仕孔子愀然變容曰善

哉回之意臣聞之知足者不以利自累也審自得者失之而不懼行修於內者無位而不怍臣誦之久矣今於回而後見之是臣之得也

呂氏春秋季春紀尊師子貢問孔子曰後世將何以稱夫子孔子曰吾何足以稱哉勿已者則好學而不厭好教而不倦其惟此邪

淮南子要略孔子修成康之道述周公之訓以教七十子使服其衣冠修其篇籍故儒者之學生焉

說苑建本孔子謂子路曰汝何好子路曰好長劔孔子曰非此之問也請以汝之所能加之以學豈可及哉子路曰學亦有益乎孔子曰夫人君無諫臣則失政士無教友則失德狂馬不釋其策操弓不返於桀木受繩則直人受諫則聖受學重問孰不順成毀仁惡士且近於刑君子不可以不學子路曰南山有竹弗揉自直斬而射之通於犀革又何學爲乎孔子曰括而羽之鏃而砥礪之其入不益深乎子路拜曰敬受教哉

說苑建本子路問於孔子曰請釋古之學而行由之意可乎孔子曰不可昔者東夷慕諸夏之義有女其夫死

爲之內私壻。終身不嫁。不嫁則不嫁矣。然非貞節之義也。蒼梧之弟。娶妻而美好。請與兄易。忠則忠矣。然非禮也。今子欲釋古之學。而行子之意。庸知子用非爲是用。是爲非乎。不順其初。雖欲悔之。難哉。

說苑貴德。子路持劍。孔子問曰。由。安用此乎。子路曰。善古者固以善之。不善古者固以自衛。孔子曰。君子以忠爲質。以仁爲術。不出環堵之內。而聞千里之外。不善以忠化寇。暴以仁圍。何必持劍乎。子路曰。由也請攝齊以事先生矣。

中論治學。孔子曰。弗學何以行。弗思何以得。小子勉之。斯可以爲人師矣。

中論修本。孔子曰。弟子勉之。汝毋自舍。人猶舍汝。況自舍乎。人違汝其違矣。

中論修本。孔子謂子張曰。師。吾欲聞彼將以改此也。聞彼而不改此。雖聞何益。

中論修本。孔子曰。小人何以善爲。一日之不能善矣。久惡惡之甚也。

孔子集語卷一

孔子集語卷二

總校王詒壽分校陳汪學瀚校

平津館原本

山東督糧道臣孫星衍撰

孝本二

尚書大傳。孔子對子張曰。通典五十九。男子三十而娶。

女子二十而嫁。女二十而通。織紵績紡之事。補敝文章。

之美。不若是。則上無以孝於舅姑。下無以事夫養子也。

舜父頑母嚚。不見室家之端。故謂之鰥。

尚書大傳書曰。高宗梁闇。三年不言。何爲梁闇也。傳曰。

高宗居凶廬。三年不言。此之謂梁闇。子張曰。何爲也。孔

子曰。古者君薨。世子聽於冢宰三年。不敢服先王之服。履先王之位而聽焉。以民臣之義。則不可一日無君矣。不可一日無君。猶不可一日無天也。以孝子之隱乎。則孝子三年弗居矣。故曰。義者。彼也。隱者。此也。遠彼而近此。則孝子之道備矣。

韓詩外傳八。曾子有過。曾皙引杖擊之仆地。有聞乃蘇起曰。先生得無病乎。魯人賢曾子。以告夫子。夫子告門人。參來。汝不聞昔者舜爲人子乎。小筆則待笞。大杖則逃。索而使之未嘗不在側。索而殺之。未嘗可得。今汝安身以待暴怒。拱立不去。非王荅之民。其罪何如。

說苑建本。曾子芸瓜而誤斬其根。曾皙怒。援大杖擊之。曾子仆地有頃。蘇歷然而起。進曰。曩者參得罪於大人。大人用力教參。得無疾乎。退屏鼓琴而歌。欲令曾皙聽其歌聲。令知其平也。孔子聞之。告門人曰。參來勿內也。曾子自以無罪。使人謝孔子。孔子曰。汝聞御醫四百十。醫腹有子名曰舜。舜之事父也。索而使之未嘗不在側。求而殺之未嘗可得。小筆則待大筆。則走以逃暴怒也。今子委身以待暴怒。立體而不去。

殺身以陷父不義不孝孰是大乎。汝非天子之民。郭殺天子之民罪奚如。

韓詩外傳九。孔子行。聞哭聲甚悲。孔子曰。驅。驅。百八十里。引作。請有賢者。至。則臯魚也。被褥擁篲。哭於道傍。孔子辟車與之言曰。子非有喪。何哭之悲也。臯魚曰。吾失之三矣。少而學。游諸侯。文選長節賦。注引作。吾少好學。以後。薛。引。吾親。失之一也。高尙吾志。閒吾事。君。文選。不事庸君。有而。失之二也。與友厚而小絕之。文選。注。交遊寡親友。失之三也。樹欲靜而風不止。子欲養而親不待也。往而不可追者。年也。去而不可得見者。親也。舊不可追者。年也。去而不可追者。親也。後漢書。桓榮傳。所引。略。吾請從此辭矣。請從文選。立稿而死。孔子曰。弟子誠之。足以識矣。於是門人辭歸而養親者十有三人。

說苑敬慎。孔子行。游中路。聞哭者聲。其音甚悲。孔子曰。驅之。驅之前有異人。音少進見之。丘。吾子也。擁篲帶索而哭。孔子辟車而下。問曰。夫子非有喪也。何哭之悲也。丘。吾子對曰。吾有三失。孔子曰。願聞三失。丘。吾子對曰。吾少好學。問周遍天下。還後。吾親亡。一失。

也事君者職諫不遂是二失也厚交友而後絕三失也樹欲靜乎風不定子欲養乎親不待往而不來者年也不可再見者親也請從此辭則自刎而死孔子曰弟子記之此足以爲戒也於是弟子歸養親者十三人

韓詩外傳十太王亶父有子曰太伯仲雍季歷歷有子曰昌太伯知太王賢昌而欲季爲後也太伯去之矣太王將死謂曰我死汝往讓兩兄彼卽不來汝有義而安太王薨季之哭告伯仲伯仲徬季而歸羣臣欲伯之立季季又讓伯謂仲曰今羣臣欲我立季季又讓何以處之仲曰刑有所謂矣要於扶微者可以立季季遂立而善文王父王果受命而王孔子曰太伯獨見王季獨知伯見父志季知父心故太王太伯王季可謂見始知終而能承志矣

天戴禮曾子立孝子曰可人也吾任其過不可人也吾辭其罪詩云有子七人莫慰母心子之辭也夙興夜寐無忝爾所生言不自舍也不恥其親君子之孝也

大戴禮曾子大孝樂正子春下堂而傷其足傷瘳數月

不出猶有憂色門弟子問曰夫子傷足瘳矣數月不出猶有憂色何也樂正子春曰善如爾之問也吾聞之曾子曾子聞諸夫子曰天之所生地之所養人爲大矣父母全而生之子全而歸之可謂孝矣不虧其體可謂全矣故君子頃步之不敢忘也今子忘夫孝之道矣子是以有憂色

呂氏春秋孝行覽樂正子春下堂而傷足瘳而數月不出猶有憂色門人問之曰夫子下堂而傷足瘳而數月不出猶有憂色敢問其故樂正子春曰善乎而問之吾聞之曾子曾子聞之仲尼父母全而生之子全而歸之不虧其身不損其形可謂孝矣君子無行咫尺而忘之余忘孝道是以憂

天戴禮曾子大孝夫子曰伐一木殺一獸不以其時非孝也

荀子子道魯哀公問於孔子曰子從父命孝乎臣從君命貞乎三問孔子不對孔子趨出以語子貢曰鄉者君問臣曰子從父命孝乎臣從君命貞乎三問而臣不對賜以爲何如子貢曰子從父命孝矣臣從君命貞矣未

子有奚對焉。孔子曰：小人哉，賜不識也。昔禹乘之國，有爭臣四人，則封疆不削；千乘之國，有爭臣三人，則社稷不危；百乘之家，有爭臣二人，則宗廟不毀。父有爭子，不行無禮；士有爭友，不爲不義。故子從父奚子孝？臣從君奚臣貞？審其所以從之之謂孝之謂貞也。

荀子子道子路問於孔子曰：有人於此，夙興夜寐，耕耘樹藝，手足胼胝，以養其親，然而無孝之名，何也？孔子曰：意者身不敬與？辭不遜與？色不順與？古之人有言曰：衣與，繆與？不女暇，今夙興夜寐，耕耘樹藝，手足胼胝，以養其親，無此三者，則何以爲而無孝之名也？孔子曰：由志之。吾語汝：雖有國士之力，不能自舉其身，非無力也；勢不可也，故人而行不修，身之罪也；出而名不彰，友之過也。故君子人則篤行，出則友賢，何爲而無孝之名也？

韓詩外傳九子路曰：有人於斯，夙興夜寐，手足胼胝，而面目黧黑，樹藝五穀，以事其親，而無孝子之名者，何也？孔子曰：吾意者身未敬邪？色不順邪？辭不遜邪？古人有言曰：衣赍食歟？曾不爾卽。荀子楊倞注：引此作衣子教子。勞以事其親，無此三者，何爲無孝之名？意者所友非

仁人邪？坐語汝，雖有國士之力，不能自舉其身，非無力也。勢不便也，是以君子人則篤孝，出則友賢，何爲其無孝子之名？

莊子寓言：曾子再仕而心再化，曰：吾及親仕，三釜而心樂；後仕三千鍾，不泊，吾心悲。弟子問於仲尼曰：若參者，可謂無所縣其罪乎？曰：既已縣矣，夫無所縣者，可以有哀乎？彼視三釜三千鍾，如觀雀蚊虻相過乎前也。

韓非子五蠹：魯人從君戰，三戰三北，仲尼問其故，對曰：吾有老父，身死莫之養也。仲尼以爲孝，舉而上之。

呂氏春秋仲冬紀當務：楚有直躬者，其父竊羊而謁之上，上執而將誅之。直躬者請代之，將誅矣，告吏曰：父竊羊而謁之，不亦偏乎？父誅而代之，不亦孝乎？信且孝而誅之，國將有不誅者乎？荆王聞之，乃不誅也。孔子聞之，曰：異哉，直躬之爲信也，一父而載取名焉。

新序雜事二：昔者舜自耕稼陶漁而躬孝友，父瞽瞍頑，母嚚及弟象傲，皆下愚不移。舜盡孝道，以供養瞽瞍，瞽瞍與象爲浚井塗廩之謀，欲以殺舜。舜孝益篤，出田則號泣，年五十猶嬰兒慕，可謂至孝矣。故耕於歷山，歷山

之耕者讓畔。陶於河濱。河濱之陶者器不苦窳。漁於雷澤。雷澤之漁者分均。及立爲天子。天下化之。蠻夷率服。北發渠搜。南撫交趾。莫不慕義。麟鳳在郊。故孔子曰。孝弟之至。通於神明。光於四海。舜之謂也。孔子在州里。篤行孝道。居於闕黨。闕黨之子弟吹漁。分有親者得多。孝以化之也。是以七十二子自遠方至。服從其德。

說苑建本孔子曰。行身有六本。本立焉。然後爲君子。立體有義矣。而孝爲本。處喪有禮矣。而哀爲本。戰陣有隊矣。而勇爲本。治政有理矣。而能爲本。居國有禮矣。而嗣爲本。生財有時矣。而力爲本。

說苑建本夫子亦云。人之行莫大於孝。

說苑權謀魯公索氏將祭而亡其牲。孔子問之曰。公索氏比及三年必亡矣。後一年而亡。弟子問曰。昔公索氏亡牲。夫子曰。比及三年必亡矣。今期年而亡。夫子何以知其將亡也。孔子曰。祭之爲言索也。索也者。盡也。乃孝子所以自盡於親也。至祭而亡其牲。則餘所亡者多矣。吾以此知其將亡也。

說苑辨物子貢問孔子。死人有知無知也。孔子曰。吾欲

言死者有知也。恐孝子順孫妨生以送死也。欲言無知。恐不孝子孫棄不葬也。賜欲知死人有知將無知也。死徐自知之。猶未晚也。

說苑反質魯有儉者。瓦甬煮食。食之而美。盛之土鐏之器。以進孔子。孔子受之。歡然而悅。如受大牢之饌。弟子曰。瓦甬。陋器也。煮食。薄膳也。而先生何喜如此乎。孔子曰。吾聞好諫者思其君。食美者念其親。吾非以饌爲厚也。以其食美而思我親也。

按神記曾子從仲尼在楚而心動。辭歸問母。母曰。思爾。嚙指。孔子問之曰。曾參之孝。曾子外。蘭齊家。精感萬里。御覽四百十三引師覺授孝子傳。老萊子者。楚人。行年七十。父母俱存。至孝。蒸燕。常著斑斕之衣。爲親取飲。上堂脚跌。恐傷父母之心。僞作爲嬰兒啼。孔子曰。父母老。常言不稱老。爲其傷老也。若老萊子。可謂不失孺子之心矣。

御覽四百八十二引師覺授孝子傳。仲子崔者。仲由之子也。初。子路仕衛。赴劇賊之亂。衛人狐廐引作子廐時守門。殺子路。子崔既長。告孔子欲報父讐。夫子曰。行